

المعاني الثمانية لاسم الله المحسن | #خطبة_جمعة | د. حازم

شومان

حازم شومان

ان الحمد لله نحمده ونستعين به ونستغديه ونستغفره ونعوذ بالله من من شرور انفسنا ومن سيئات اعمالنا. انه من يهده الله فلا مضل

له. ومن يضل لن تجد له هاديا مرشدا. يا ايها الذين امنوا اتقوا الله حق تقاته. ولا تموتن الا وانتم - [00:00:01](#)

انتم مسلمون. يا ايها الناس اتقوا ربكم الذي خلقكم من نفس واحدة. وخلق منها زوجها وبث منهما رجالا كثيرا ونساء. واتقوا الله

الذي تساءلوا به والارحام. ان الله كان عليكم رقيبا. يا ايها الذين امنوا اتقوا الله - [00:00:31](#)

اتقوا الله وقولوا قولا سديدا. يصلح لكم اعمالكم. ويغفر لكم ذنوبكم ومن يطع الله ورسوله فقد فاز فوزا عظيما. اللهم صل على

الحبيب محمد. اللهم صل على محمد محمد اللهم صل على عبدك ونبيك ورسولك محمد. اللهم صل على الحبيب محمد وعلى ازواجه

- [00:01:01](#)

امهات المؤمنين وعلى ذريتي وال بيته انك حميد مجيد. اما بعد اخواني واحبابي في الله. هنتكلم عن اسم من اسماء الله الحسنی

وكل اسماء الله الحسنی. ولكن اسم صعب جدا ان احنا نقدر نتكلم عليه. صعب ان احنا نتكلم - [00:01:31](#)

عليه لان احنا غرقى في بحار هذا الاسم اسم الله المحسن. اسم الله وقد احسن بي واحسن كما احسن الله اليك. هل جزاء الاحسان الا

الاحسان. نحن غرقى في بحار احسان الله - [00:01:51](#)

انت مغمور باحسان ربنا وانت ما انتاش حاسس منزر قبيح واحد مريض يسيء الزن بالله. دلوقتي طلبت من كثير من طلبة السانوية

اما اول ما جاب مجموع اتصدم فيه. بدل ما يفكر في اي سبب على طول يسبب الصلاة. يسبب الزكر. ما انا صليت - [00:02:11](#)

ربنا عمل ايه؟ طالب في سانوية عامة جاي بيقول لي والعياذ بالله لما النتيجة جت وحشة قال لي الحد واستغفر الله العظيم وانكر

وجود من اعدت ادعي ربنا طول السنة. الانسان اي مشكلة بتحصل له. والعياذ بالله المتهم الاول عنده استغفر الله العظيم واتوب اليه

- [00:02:31](#)

والذي خلقه هو الذي احسن لي وهو مغمور وغارق في بحار احسان الله. احسان ربنا بيعلمك ان اللي جاي احسن احسان ربنا بيعلمك

ان ربنا مش احسن اليك بس في العطاء. وانما احسن اليك في المعاملة. ربنا بيختار لك احسن من اللي انت - [00:02:51](#)

لنفسك. ربنا بيديك احسن من اللي انت تستاهله. ربنا بيعلمك احسن ما انت بتعامله. ربنا بيعطيك احسن من زك في ايه؟ ربنا

سبحانه وتعالى بيديك احسن من اللي انت بتعمله له. ربنا بيعمل لك كل شيه في حياتك احسن - [00:03:11](#)

لو انت اللي عملته لنفسك الله المحسن والاحسان هو العطاء المنهمر. الله هو المحسن سبحانه وتعالى. ولا جزاء الا الاحسان. انا كذلك

نجزي المحسنين. الله اسم من اسماء ربنا. انت عايش معه ليل نهار. انت عايش معه وانت بتطيع - [00:03:31](#)

انت بتعصي. المسلم عايش معه والكافر عايش معه. انت عايش معه وانت بتقرب وانت بتبعد. اسم الله المحسن. احسان الله اه ونحن

غرقى في بحار احسان الى مشكلتنا مع اسم الله المحسن ايه؟ ان الاسباب عمتنا عن احسان ربنا. واحد خد دواء فراغ ايه يعني -

[00:03:51](#)

خلاص انا خدت دواء فاروق فين الاحسان هنا؟ من كم واحد مش لاقى دواء اصلا؟ وكم واحد خد دواء والدوا دمره وموته وعمل له

مضاعفات اخطر من المرض اللي خد الدواء عشانه. وكم واحد خد دواء وما راقش وكم واحد راح لدكتور كتب له دواء غلط وما

بيروحش. وكم - 00:04:11

في نفس ظروفك واصعب الاحسان. اوعى الاسباب تعميك عن رؤية احسان ربنا. فالاسباب من احسان الله سبحانه وتعالى فسواء جت باسباب او ما جتش باسباب انت غارق في احسان الله سبحانه وتعالى عشان كده اللي بيشفو اسم - 00:04:31

المحسن ده بيفوق من العمى. عارف انسان رجع له الاحساس تاني. بدأ يحس تاني بدأ يشوف ربنا بيحسن. اليه ازاى وربنا بيعملوا ايه ؟ نحن غرقى في بحار احسان الله. في بحار احسان الله فيك. وفي بحار احسان الله - 00:04:51

معك وفي بحار احسان الله بك وفي بحار احسان الله اليك. وفي انت ربنا غامرك بانواع الاحسان. احسان الله اليك واحسان الله عليك. واحسان الله معك. واحسان فيك واحسان الله بك واحسان الله في معاملتك واحسان الله في قدره فيك واحسان - 00:05:11

في تدبيره من اجلك سبع انواع من الاحسان يعني نحاول نعيش كده. مع بعض ملامح لاحسان الله. اول حاجة احسان الله فيك يعني ايه احسان الله فيك؟ الذي احسن كل شيء خلقه. يعني ايه احسن كل شيء خلقه؟ ربنا يقول فيهن خيرات حساب. يعني ايه امرأة حسناء يعني - 00:05:41

ولو اعجبك حسنهن يعني ايه امرأة حسناء؟ يقول لك المرأة الجميلة هي اللي تشوفها من بعيد كده تلاقيها حلوة في عينيك. انما ممكن واحد ممسل جميل جدا. تيجي تدقق في عينيك. تلاقيه عينيه مش حلوة اصلا. تيجي تدقق في انفه او فمه او لونه او تلاقيه هو مش حلو اصلا - 00:06:01

اللامح مش حلوة. هو على بعضه كده حلو. انما فقال لك ده الجمال. على الاجمال هو حلو. قال لك انما الحسن ان ملمح في غاية الجمال. ملمح ملمح عشان كده العوام عندهم كلمة غريبة كده. يعني يعني بقولها فقط من باب الشاهد في فهم المعنى لما يشوفوا واحدة - 00:06:21

حسنة اوي يقول لك ما فيهاش غلطة. يعني ايه كلمة ما فيهاش غلطة؟ هي دي المفتاح اللي هتفهم به. كل المعاني الاحسان اني ما فيهاش غلطة يقول لك تحسين مستوى المعيشة. يعني ايه تحسين مستوى المعيشة؟ انا عايز حياة ما فيهاش مشكلة - 00:06:41

انا عايز اعيش حياة ما فيش فيها مرض مدمر علي ومنغص علي استمتاعي بحياتي. انا لو معي فلوس ومش متجوز هبقى ساحر مش ابا سعيد انا لو متجوز وما عيش فلوس. طب متجوز ملكة جمال العالم وما انجبتش! طب انا معي اموال كتير ولكن عندي امراض منغصة - 00:07:01

يبقى تحسين مستوى المعيشة. انا عايز حياة ما فيهاش مشكلة. انا عشان كده تفهم بقى دعاء اكثر دعاء للنبي عليه الصلاة والسلام. اللهم ربنا اتنا في الدنيا حسنة وفي الآخرة حسنة. يا محسن حسن لي مستوى معيشتي. يا محسن انا عايز حياة ما فيهاش ولا مشكلة - 00:07:21

ربنا اتنا في الدنيا حسنة حسن لي حياتي. انا عايز حياة ما فيهاش مشكلة. بتعمير العوام ما فيهاش غلطة ما فيهاش ازمة ما فيهاش منغص ينغص علي حياتي. وكلما دعوت هذا الدعاء طالبا احسان المحسن. كلما من الله سبحانه وتعالى - 00:07:41

عليك بعطاءات اسم الله. المحسن احسان الله فيك. يعني ايه احسان الله فيك؟ يعني الذي احسن كل شيء خلقه. ما فيش طنطا خلق المخلوق وخلق الانسان ما فيش فيه مشكلة. انت كان ممكن يحصل لك مشاكل كتير اوي. لو كان حصل تغييرات بسيطة جدا في خلقك. او - 00:08:01

وخلق الكون من حوايك انا مش هاقول لك ربنا انعم عليك في جسمك بايه. او ربنا لقي انا هاقول لك الحاجات اللي في جسمك اللي لو ما كانتش موجودة كان - 00:08:21

حصل لك مشاكل ضخمة جدا في حياتك. يعني انت لك ودنين. طب ولو ودن واحدة لو ودن واحدة انت كنت هتسمع بالظبط زي ودنين ما كنتش هتقدر تعرف مصدر الصوت منين. فائدة الودنين انك بتعرف الصوت لو جاي من ورا جاي يمين ولا شمال. جاي بعيد ولا قريب - 00:08:31

جاي من الناحية دي ولا من ناحيتي؟ طب لو ودن واحدة بس ما فيش اذن وسطى الاذن الوسطى دي هي المسئولة عن اتزان جسمك.

يعني ايه اتزان جسمي يعني ان انا واقف كده بس كويس انت تعرف من غير الاذن الوسطى. رجلك دي مستحيل تشيلك. ليه؟ لان رجلك دي قد كده. عشرين سنتي. انت كان - [00:08:51](#)

لازم يبقى قاعدة رجلك حوالي متر. عشان ينفع انك تفضل واقف كده بس. ده ده في الوقفة. كنت لا يمكن تعرف تقف من غير الاذن الوسطى طب في الحركة واحد راكب عجلة ووقع منه حاجة بيوطي وسائل عجلة يجيبها. مستحيل كنت تعمل حركة زي دي. لعب كورة في - [00:09:11](#)

الملعب قام متشقلب وعامل دابل كيك وقام جايب كورة. مستحيل كان يعمل الحركة دي. واحد بيلعب رياضة انت لا تتخيل التوازن ده انت كل حركات يومك كلها محتاج توازن. كان تسعين في المية من قدرتك على الحركة ادمرت. وقدرتك انك انت - [00:09:31](#) سوء وانت في نفس الوقت بتكلم في الموبايل وانت في نفس الوقت بتاكل حاجة بسرعة. وانت في نفس الوقت بتبص على المراية الخلفية كانت تسعين في المية من حياتك ادمرت. الاذن الوسطى هي السبب في قدرتك على التوازن. اصغر عضلة في جسم الانسان اللي هي موجودة في الاذن الوسطى عضلة - [00:09:51](#)

طولها واحد مللي. العضلة دي لو بازت العضلة دي الفرامل بتاعة الودان. اللي هو لما طفل صغير يقوم ضارب مسدس لعبة جنب ودنك فجأة او عربية تقوم ضاربة كلاكس جنب ودنك فجأة او انت حاطط الموبايل جنبك ومش واخذ بالك فجأة جنب ودانك. او حد قام - [00:10:11](#)

طفل صغير بيهزر معك وقام جاي على ودانك كده وقام مسرخ فجأة لولا الملي ده لولا الملي ده. الانسان ما يقدرش يعيش يقفل فنفس اوضة مقفولة ويعزل الصوت. يجي له نوبات فزع مع كل صوت يسمعه. يجي له اكتئاب وانسحاب من الحياة. يجي له حوالي اربعين - [00:10:31](#)

عين مرض مدمر لان ما عايش فيه فرامل في ودانه. اي صوت عالي بيدخل يطعن في المخ طعن. هي دي اللي بتفرمل وتخلي الصوت العالي المفاجئ يروح للمخ بالراحة من غير الطعنة بتاعة الصوت العالي وهو داخل على المخ مباشرة - [00:10:51](#) انت من غير ربنا كان حياتك ممكن يبقى احسان ربنا فيك. عينيك دي القرنية بتاعتك. عينيك القرنية دي كل اعضاء جسمك فيها واوعية دموية بتغزيها. الحاجة الوحيدة في جسمك اللي بتتغذى من غير اوعية دموية هي القرنية. بتتغذى - [00:11:11](#) بطريقة تانية اعجازية. ليه؟ القرنية دي عاملة زي ازاز العربية. تخيل لو ازاز العربية اللي انت بتشوف منه الدنيا قدامك تخيل لو قطع كده خطوط بالطول وبالعرض اللي هي الاوعية الدموية. كان يبقى عينيك عاملة زي الازاز العربية اللي جا له سرطان. انت ما انتاش شايف حاجة قدامك. تخيل لو كان - [00:11:31](#)

ربنا القرنية بس بقت تغذية الدموية بتاعتها زيها زي باقي الاعضاء. لو كان كبك اقل حجما مما هو عليه كنت تاخذ ساعة عشان تقوم الساعة اتنين بالليل من السرير بتاعك للحمام تدخل الحمام. ما كنتش قدرت تبزل مجهود. ما كانش بقى فيه اولمبيات. ما كانش بقى فيه دوري كورة - [00:11:51](#)

ما كنتش قدرت تلعب ماتش. ما كنتش قدرت تمشي نص ساعة. ما كنتش قدرت تجماع زوجتك. ما كنتش قدرت تبزل مجهود. لان الكبد هو اللي مخليك قادر تبزل مجهود متواصل. لو كان لو كان الرئة بتاعتك اصغر مما هي عليه. كنت عشت حياتك تلهث. تلهث مش قادر تاخذ النفس - [00:12:11](#)

اللي مكفيه لسان المزمار اللي في زورك ده لو مش موجود انت كان بقى اكبر مخاطرة في حياتك لما تعطش وتيجي تشرب بق مية لان سهل جدا ان الماية تنزل في الرئة تموت كان بقى يعني بنبارك لبعض زي اللي قام من عملية جراحية كده ونقول له حمد لله على السلامة كان - [00:12:31](#)

كل واحد شرب بق مية ونزل على معدته وقلنا له حمد لله على السلامة. الحمد لله ان ربنا نجاك وعرفت تشرب من غير ما يحصل مصيبة. لولا حنة المزمار ده هو الاتصالات ما بين خلايا مخك وبعضها فوق الميت تريليون وصلة عصبية. لو ما كانتش الوصلات بالحجم ده كنت - [00:12:51](#)

محتاج ساعة عشان تضرب ثلاثة في اثنين. ما فيش كانت الرامات بتاعة الدماغ مش جايبة. انك تفكر في سبع تمن حاجات وانت ماشي في نفس اللحظة وكل الفايلات دي مفتوحة في دماغك وانت ماشي. الله سبحانه وتعالى اداك امكانيات في جسمك من غيرها كانت الحياة بقت صعبة من غير - [00:13:11](#)

سمات الهضم كان حنة اللحمة تقعد خمسين سنة عشان تنهضم. من غير الانزيمات عموما في جسمك. الانزيمات دي مخلوق كده ربنا خلقه جسمك بيعمل مية مليون تفاعل في الثانية. بيسرع بيسرع الشغل جوة جسمك مليون ضعف في الثانية. تخيل - [00:13:31](#) تخيل بقى جسمك ده كله من اوله لاخره ومن غير انزيمات. لان جسمك كله بيتحكم فيه. كبداك من غير انزيمات. الحاجة اللي بتاخذ ساعة تاخذ اربعتاشر خمستاشر سنة. معدتك من غير انزيمات. حنة اللحمة عايزة خمسين سنة. مخك من غير انزيمات. ضرب ثلاثة في اثنين عايز عشر سنين - [00:13:51](#)

عضلاتك من غير انزيمات عشان تتحرك خطوة واحدة عايز لك قد ايه. تخيل ربنا سهلها لك ازاي! من غير مفاصل الوسط بتاعتك انت لو كنت تبقى عامل زي روح الخشب عايش كده. من غير مفصل الرقبة لا تعرف تبص يمين ولا شمال ولا تلتفت. هو كده انت بتتحرك كده وبس. ما فيش - [00:14:11](#)

غير كده من غير من غير مفصل الركبة. معظم معظم حركات حياتك ما كانتش تتحرك. احسان ربنا فيك. ده انت من جواك مليون مليون انت بس لو قعدت تفتكر اسم الله المحسن على احسان الله فيك. انا مش باتكلم عن نعم الله فيك. انا انا باتكلم على الحاجات - [00:14:31](#)

اللي كان لو ربنا ما عملكش التفاصيل الصغيرة دي في جسمك انت كانت حياتك هتبقى مشكلة. كانت هتبقى في غاية انت عضمك بيطلع كل يوم اثنين مليار كرة دم حمرا. الاثنين مليار كرة دم حمرا دول اللي قاعدين يجروا في الجسم يغزوا الجسم بالاكسجين - [00:14:51](#)

لو كان كرات الدم الحمرا اقل انت كنت عايش مخنوق على طول. ما انتاش عارف تتنفس لان التنفس مش في الرئة. الناس فاكدة ان التنفس ان الرئة تبقى تاخذ هوا لا مش ده النفس التنفس ان الاكسجين اللي دخل الرئة يتنقل للاف مليار خلية اللي فجسمك عشان كده - [00:15:11](#)

اللي بيموت بالاختناق نسأل الله العفو والعافية. مش بيموت لان ما عدش فيه هوا في رئته. بيموت لما ما عدش فيه اكسجين واصل لخلايا جسمه. فتخيل كل بقى شيال الاكسجين ده كرات الدم الحمرا من غيرها. من غير جهاز المناعة. كان يجي لك يوميا ثلاثين اربعين نوع سرطان. اللي ربنا حاميك - [00:15:31](#)

من السرطان احسان ربنا فيك. ربنا احسن لك كتير اوي. انت عايش في كون مربع. انت ما انتاش متخيل انت حياتك عشان تبقى سهلة. فيه كتاب. كتاب العالم عالم ملحد عالم فيزياء كبير جدا ملحد اسمه فقط ستة ارقام. العالم ده بيقول انت لو دخلت اوضة - [00:15:51](#)

التحكم في الكون ولقيت زراير اللوحة التحكم في الكون الزرار ده بيتحكم في قانون الجاذبية في الكون كله. والزرار ده بيتحكم في قانون القوى الكهرومغناطيسية في الكون كله. والزرار ده بيتحكم في قانون الطرد المركزي في الكون كله والزرار. قال لك - [00:16:11](#)

الحاجة اللي هتزيلك خد بالك شف يعني لما يبقى المعلومة موجودة بس التوفيق مش موجود. لم يحسن الله عليك بالايمان والعياذ بالله. يقول لك اللي هيزهلك ان كل زرار مزبوط لو كان اعلى سنة او اقل سنة كان الكون كله ادمر. بيقول لك هو انتم - [00:16:31](#) فاكرين ان الكون مية وستين مليار سنة ضوئية. آآ ده ده حاجة كده بيقول لك لولا الكون بالحجم ده كانت الكرة الارضية ادمرت كأقوانين الكون كلها كانت بازت. فقال لك حجم الكون شرط عشان حنة الارض الصغيرة دي يبقى عليها حياة. عشان فيقول لك - [00:16:51](#)

آآ يعني لو عايز تفهم ايه الحاجة الخطيرة اللي حصلت؟ قال لك بالزبط بالزبط بالزبط نجاة الانسان واعيش على الارض. ان فيه بني

ادم يبصحي الصبح يفطر وينزل يروح شغله ويرجع ينام له ساعتين وبعد كده ينزل يقعد مع اصحابه قال لك عشان تعرف معجزة ان
00:17:11 -

في حاجة اسمها حياة على الارض قال لك بالزبط زي ما اجيب ميت واحد قناص قناص يعني الطلقة في قلب الدماغ مع كل كل واحد
مدفع رشاش فيه الاف الطلقات وقمت حاطط واحد قدامهم والمية فضلو يضربوا كل طلقات - 00:17:31
قصاش في البني ادم ده وما فيش ولا طلقة واحدة جت فيه. قال لك هو ده وضع البني ادم على وجه الارض. قال لك ده وضع البني
ادم بالزبط ان الكون مليون ملايين الاسباب لهلاك البني ادم. ملايين الاسباب لدمار الحياة على الارض. قال لك ان فيه كوكب بقى -
00:17:51

عرف الكوكب ده يبقى فيه مية ويبقى فيه بني ادمين. ويبقى فيه عشرين مليون نوع كائن حي. ويبقى فيه شمس بتطلع بالنهار وقمر
بتطلع بالليل. ويبقى فيه فيه ناسيم هوا وبحر ينابيع قالك ده بالزبط زي نسبة ان ده يحصل في كون مرعب مليون سموم ومليان
سودم - 00:18:11

ومليان انفجارات ومليان ثقب سوداء. انت آآ مجرة التبانة بتاعتك دي لوحدها فيها فيها ملايين الثقوب السوداء السقب الاسود ده
اللي هو المقابر الكونية. مقابر ما هو ربنا. انت دلوقتي بتلاقي فيه مستشفى ولادة كل شوية عيل اتولد والف مبروك - 00:18:31
قصاها على الرصيف الثاني بتلاقي ترب. كل شوية دفنة وانا لله وانا اليه راجعون. السما فيها مستشفيات ولادة وفيها ترب. وفيها
مقابر ربنا في الكون كله كده. مستشفيات الولادة اللي هي الايه؟ اللي هي الدخان وهي دخان. السدب الدخانية اللي قاعدة تولد نجوم
على طول. امال الترب بتاعة - 00:18:51

المقابر بتاعة السما اللي بيتدفن فيها النجوم الميتة وبيتدفن فيها كل حاجة دي السقوب السوداء. دي المقابر بتاعة السما. فقال لك كل
كل واحد في الف من النجوم ينفع يبقى سقب اسود. يعني مجرة التبانة فيها الف مليار نجم. يبقى مجرة التبانة فيها الف مليون -
00:19:11

ثقب اسود بيلعوا كل حاجة حوالهم بس انت مش حاسس. انت ربنا منجيك ما هو ده اللي ربنا قاله لك في القرآن. فلا اقسام بالخنس
اقسم بالايه؟ بالخنس الجواري الكنس ايه الخنس دي؟ الخنس دي يعني اللي متدارقين اللي مش باينين. المخفيين ربنا اقسام -
00:19:31

القرآن كتير من النجوم البايئة. النجوم اللي شايفها بعينك. هنا بقى ربنا اقسام بالنجوم اللي انت مش شايفها بعينك. ايه النجوم انا مش
شايفها من شر الوسواس الخناس. الوسواس اللي يضرب الضربة. اللي يخطط الفكرة اللي ايه؟ الفكرة الوحشة. الخناس اللي يقوم
جري مستخبي - 00:19:51

فما بيانش حرب عصابات يعني بيلعب معك حرب عصابات. فالخناس اللي بيخنس اللي بيختفي. فلا اقسام بالخنس النجوم المختفية
التي لا تراها العين. الجوار اوعى تفتكر انك انت لانك مش شايفها. ده بتجري بسرعات رهيبية. الكنس زي المكسة - 00:20:11
عملاقة اللي ماشية تشفط كل النجوم وكل الطاقة وكل المادة اللي حوالها. ايه دي يعني ربنا بيقول ايه؟ ما اتفهمش الكلام ده غير لما
عرفوا موضوع الثقوب السوداء خنس مش باينة. جوارى كنس قاعدة تشفط في المادة. دي اكثر كائن - 00:20:31
مرعب في الكون كله. السقوب السوداء ده اكثر وحش مرعب في الكون كله. بيلع بيشفط يقول لك لو بني ادم دخل فيها يتفرم حت
من كتر قوة يتفرم ما يلحقش اصلا. يبقى رماد قبل ما يبدأ يدخلها. ولو ما بقاش رماد كل حنة في جسمه هتقطع من الحنة الثانية.
فرينا - 00:20:51

بيقول لك ده فيه وحوش مرعبة في الكون. مين اللي آآ مين اللي نجاك منها؟ مين اللي نجاك من الكلام ده؟ والسما والطارق وما
ادراك ما الطارق النجم الثاقب ده ده وحش ثاني. وحش من وحوش الكون اللي حواليك وانت ما انتاش واخذ بالك منه. وحش ثاني
النيازك وشهم فيه - 00:21:11

نيزك نزل على المشتري بقوة ميت ميت قنبلة نووية. في نيازك بتنزل على الارض الطارق ده اللي هو الساعة اتنين بالليل وانت نايم او

الثلاثة بالليل فجأة تلاقي واحد ببوزع الباب فيه ايه ؟ تعالى معنا الحق اعمل فلان دخل المستشفى وبيموت فلانة ماتت - [00:21:31](#)
ده المصيبة اللي جاية في عز الليل. والسماء والطارق. وما ادراك ما الطارق! نيزك نازل فجأة النجم الغلاف الجوي وينزل على الارض ويعمل فجوات هائلة. لو ربنا كان ساب الطوارق دي تنزل عادي من غير الغلاف الجوي ده. انت كنت عملت ايه - [00:21:51](#)
كم احسن الله اليك ؟ كم احسن الله اليك ؟ لولا ربنا الحاجة كانت هتبقى رعب يا جماعة. كنا هنبقى عايشين في رعب ربنا بيقول كيف لا اقسم بما تبصرون وما لا تبصرون. فيه ناس كتير فاكدة ان ما لا تبصرون بس هي الملايكة. الملايكة ما احناش شايفينها. اللي في السماوات - [00:22:11](#)

السبعة مش شايفينه. الجنة مش شايفينها. النار مش شايفينها. العلماء دلوقتي بيقول لك ان خمسة وتسعين في المية من الكون حواليك ومن السما حواليك كانوا زمان فاكرين ان السما فيها فروج يعني بالتلسكوبات كده يلاقوا الحتة دي مليانة نجوم. والحتة دي سودا. ما فيش فيها خالص. وبعد كده الحتة دي فيها نجوم - [00:22:31](#)
وبعد كده الحتة دي سودا ما فيش فراغ. فراغ كوني. بس ربنا بيقول وما لها من فروج. ما فيش فراغات خالص. قال لها امال دي ايه ؟ اكتشفوا مصر ان ما فيش ولا ملي في السما فيه فراغ. امال السواد ده كله ايه ؟ قال لك ده حاجة اسمها المادة المزملة والطاقة المزملة. دي - [00:22:51](#)

كون قد ايه بتكون خمسة وتسعين في المية من الكون. امال النجوم والمجرات والسهب والنيازك نص في المية من حجم السمك. كل الملكوت ده نص في المية من حجم السماء. امال السما دي كلها ايه ؟ مادة مزملة. ما هيش متشافة وطاقة مزملة - [00:23:11](#)
فلا اقسم بما تبصرون وما لا تبصرون. انت ضعيف. انت لو كان ربنا سابها لنفسك. انت كنت ضعت من زمان. مين اللي نجاك من كل ده والله المحسن سبحانه وتعالى اللي باحسانه حل لك الدنيا وانت عايش في اخطر مكان وانت ما انتاش حاسس ايه الخطر اللي حواليك وماشي - [00:23:31](#)

مبسوط وفي الاخر هو ربنا عمل في كده ليه ؟ هو ربنا ما ادانيش اللي انا عايزه ليه ؟ انت لا احسان الله احسان الله في التدبير. الرسول عليه الصلاة والسلام يقول الاحسان يعني ايه الاحسان ؟ انك تجيب احسن ما عندك. الاحسان هو الانشغال بجمع الحسنات - [00:23:51](#)

انك تبقى مشغول ليل نهار ارضيك بها يا رب. فانت قاعد تدور على ابواب رضا الله من الحسنات. وجايب احسن ما عندك في الهمة عليا والكفاءة في العمل الصالح. ده المحسن. يبقى المسلم اللي قال الشهادتين ويصلي. المؤمن اللي بيتكلم عن ربنا كلام - [00:24:11](#)

جميل وعارف ان فيه المحسن اللي جايب اخره زي الطالب كده اللي مشغول بالمذاكرة ليل نهار. اللي جايب اخره عشان يجيب احسن ما عنده في رضا الله. سبحانه وتعالى. فالنبي بيقول لك الاحسان ان تعبد الله كأنك تراه. يبقى مش هتقدر - [00:24:31](#)
احسن ما عندك الا لو شفت. لو شفت ايه بقى ؟ كانك يا ترى ايه العمى اللي لو اتشال انت هتجيب احسن ما عندك. كانك ترى الله اليك. لو انت الوقت شفت ربنا بيدبر لك ايه. لو انت الوقتي وانت قاعد عرفت ربنا - [00:24:51](#)

رتب لك رزق وخير ايه هتجيب احسن ما عندك في معاملة الله. هل جزاء الاحسان الا الاحسان ؟ ربنا ان تعبد الله كأنك تراه وكأنك ترى جلال الله كأنك قاعد دلوقتي شايف سيدنا جبريل عند سدرة المنتهكة الحنس البالي. زي حنة القماش اللي من غير عمود فقري. كانك شايف - [00:25:11](#)

ملايكة السماوات السبع بتصعق مع كل امر يبصر من الله. تخر الملايكة مصعوقة خضعانا لامر الله سبحانه وتعالى كانك شايف ملك راسه عند العرش ورجله في الارض وقاعد يسبح. كانك شايف مليارات الملايكة بتجار بالتسبيح لله - [00:25:31](#)
السبح في نفس واحد. كانك شايف كانك شايف ان تعبد الله كأنك تراه. كانك شايف العرش وحجاب النور والجنة والنار كأنك تراه فان لم تكن تراه فانه يراك. يبقى الاحسان في تدبير ربنا. ده معنى جبار. انك انت تعرف ربنا الوقت - [00:25:51](#)
بيدبر لك ايه ؟ انت قاعد مهموم وربنا بيدبر لك الفرج. الاحسان في القدر. وده معنى ثاني جبار. يعني ايه الاحسان في القدر يقول لك

آ مات قضاء وقاء حادثة خلاص يا جماعة قدر ربنا. قدر ربنا انه كان يموت الموتة الصعبة دي. آ سرطان قدر بقى - [00:26:11](#)
القدر لا نذكره الا في المصايب بس. رغم ان القدر لو احنا فهمنا رحمة الله سم جئت على قدر. يا موسى قال لك كأن سفينة هي اللي
سابقة لك الخير كله. انزلنا من السماء ماء بقدر. هو ليه ساعة الفرحة ما بنفتكرش القدر؟ هو ليه ساعة البشرى - [00:26:31](#)

والخير والبر والاحسان ما بيفتكرش القدر. هو ايه القدر؟ يعني ايه ربنا؟ من خمسين الف سنة رتب لي حياتي. يعني ايه القدر يعني؟
انت رايح معزوم عند حد ولا والله المثل الاعلى فقال لك يا اخي ده انا بقى لي اسبوع ما نمتش انا ومراتي. قاعدين نطبخ لك الاكل
اللي انت عايزه. ونعمل لك الصواني اللي انت عايزها. ونجيب لك الاكل - [00:26:51](#)

اللي احنا عارفين انك بتجبه وتنبله بالتبيلة اللي احنا عارفين انك بتحبها. ونعمل لك انواع السلطات اللي احنا عارفين انك بتحبها.
ونعمل لك صاير اللي احنا عارفين انك بتتبسط منها رغم انها مش موجودة دلوقتي في السوق. فيقوم واحد يقول لك حرام عليكم
انتم بتقهروني على اكل - [00:27:11](#)

لمعين ليه ؟ يا ابني انا مش بقهرك ده انا باقول لك انا قاعد ارتب لك كل مصالحك وكل اللي نفسك فيه، وكل اللي انت محتاجه انت
بتقهرني هو ده بالزبط - [00:27:31](#)

يقول لك هو القدر ربنا قارني. يا ابني ربنا من خمسين الف سنة بيرتب لك قعدتك الوقتي عشان تسمع عنه. اكتب لك نعيمك في
الجنة. من خمسين الف سنة بيرتب لك كل اية في القرآن او حديس في السنة هتسمعه. وكل لحزة فرح هتفرحها. تقول لي هو ربنا -
[00:27:41](#)

ليه؟ الاحسان في قدر الله. الاحسان احسان احسان الله بك. ما هو ربنا قال لقارون واحسن كما احسن الله اليك. ففي احسان اليك انما
سيدنا يوسف قال وقد احسن بي. يبقى فيه احسان بك. يعني ايه؟ اي احسان الله بك. يعني ايه؟ سيدنا يوسف اصل - [00:28:01](#)
احسان عكس الاساءة. سيدنا يوسف بيقول ربنا ما اساء ليش ابداء. ربنا ما عملش معي حاجة وحشة ابداء يا يوسف يا ابن يعقوب ده
انت اترميت في السجن ده انت شبابك كله راح في السجن وفي الجبن وفي وفي الاستعباد وانت عبد وفي ده انت شبابك كله راح
في ابتلاءات. في الآخر بيقول - [00:28:21](#)

قد احسن بي ربنا اختار لي احسن مستقبل. ربنا اختار لي احسن حاجة. ربنا ما عملش معي غير الحلو كله وقد احسن بي كأن الله
صاحبه في الحياة وعلى طول بيختار له الاحسن. واحسن مستقبل واحسن. هو انت تعرف تختار لنفسك؟ هو انت عارف - [00:28:41](#)
الخير من الشر فين؟ وللحسن يحسن لك في كل شيه في مستقبلك. وقد احسن بي. يعني نفس المعنى اللي احنا قلناه في الاول.
يعني ايه امرأة يعني ولا غلطة. يعني ما فيهاش ما فيش ولا ملمح وحش. كله في قمة الجمال. يقول لك تسريح باحسان. يعني ايه
تسريح؟ التسريحة - [00:29:01](#)

اللي هو لما دابة تروح المرأة. فربنا بيقول للراجل اللي مش عايز يعيش مع واحدة اتق الله ما تقعدش معلقة معك. سبها تروح تشوف
وتشوف حد تاني تتجوزه. سبها تشوف مصالحها. خلاص ما دام الحياة مع بعض استحالت او باحسان. باحسان من غير محاكم اسرة -
[00:29:21](#)

احسان من غير فضايح لبعض. باحسان من غير ما كل واحد يطلع مصايب الثاني قدام الناس. باحسان من غير ما والله لمخلقة زي
البيت الوقف لا هي متجوزة ولا هي مطلقة. باحسان يعني من غير والله لا مخلياه يدفع دم قلبه ويخرج من الجوزة دي. ما حيلتهوش
مليم باحساس - [00:29:41](#)

من غير مشكلة. من غير غلط في بعض. من غير ازي لبعض. من غير فضح البعض كده. زي القرض الحسن. يعني ايه قرض حسن؟ من
غير ربا من غير زلم من غير من. يقول لك حسن سير وسلوك. يعني انسان اخلاقه مش غتت. مش غلس - [00:30:01](#)
ما هوش آآ اناني. ما هوش منان. ما هوش قناص. ما هو ما عندوش مشكلة في اخلاقه تخلي ما حدش عارف تعيش معه. يقول لك
حسن الظن بالله. يعني كل اللي جواك ناحية ربنا صافي. ما فيش جوة آآ عمل معه كده ليه؟ ها - [00:30:21](#)
ده انا عبدته ليه ما عمليش اللي انا عايزه؟ هو ربنا عمل في كده ليه؟ هو ربنا شد علي ده امال ما بينطقش ليه خايف من ربنا؟ ما

بينطقش خوف - 00:30:41

مش ما بينطقش حسن ظن وحب. ما بينطقش خوف. انما جواه والعياز بالله. مش عمار خالص بينه وبين ربنا هو زعلان من اللي خلقه. ما هو ده بقى سوء الزن بالله. امال حسن الزن بالله لا لا صافية. ما فيش جواه عن ربنا غير خواطر الرحمة - 00:30:51 والرافة والبر والاحسان والثقة والعشم. هو ده اللي جواه عن ربنا بس ما عندوش زن ثاني عن الله. سبحانه وتعالى حالا يقول لك تحسين مستوى المعيشة حياة من غير مشاكل. يقول لك حسن خطك ما ييقاش نازل يشرب من البحر. حرف صغير وحرف كبير. آآ حروف شكلها - 00:31:11

واحد التحسين انك تشيل المشاكل من الحاجة. عشان كده الجنة اسمها الحسنى للذين احسنوا الحسنى. ليه؟ لانه مكان مكتوب عليه من برة كده ممنوع كل اكتئاب ممنوع دخول التوتر. ممنوع دخول القلق ممنوع دخول الحزن. ما فيش غير فرح في فرح. او مال النار اسمها سوءا سم كان عاقبة الذين - 00:31:31

لانه ما كان ما فيش فيه حاجة حلوة. بس. طب الحاجة الطاعة اسمها حسنة. التاء دي مش تاء تأنيس دي تاء مبالغة. من كل كتر الحسن اللي هتعمله في حياتك لما تعملها. انما المعصية اسمها سيئة. لانك ليسوءوا وجوهكم هيساء لك في كل شيء بسببك -

00:31:51

انت بتسيء لنفسك في كل حاجة في حياتك بسببها. اسمها يقول لك اسماء الله الحسنى. اسماء الله الحسنى. ليه الحسنى؟ كل حاجة جميلة. احسن رحمة. احسن رافة. احسن. كل حاجة في اسماء ربنا جمالها. ربنا ما عملش فيك حاجة وحشة. ربنا ما اختار لكش اختيار وحش - 00:32:11

احسن بي النداء ربنا بيختار لك احسن حاجة. خليك مع المحسن سبحانه وتعالى ربنا بيقول على النبي لقد كان لكم في رسول الله اسوة حسنة يعني النبي كقائد وقف في الميدان ما هربش بقى مش اول ما حس ان بلده في خطر قام سارق مية وتسعة او مية. مية تسعة وستين مليون دولار وخلع في طيارة - 00:32:31

واقف راجل واقف يدافع عن دينه. واقف يؤدي امانته. واقف يعبد ربنا ما جالوش احباط ولا جا له وهن ولا جا له عجز. ولا جا له سوء زن بالله ولا جا له اسوة حسنة. يعني اداء ينحني له الطريق. قائد قدوة بحق وحقيقي. ولا - 00:32:51

غلطة ولا غلطة في اداء النبي عليه الصلاة والسلام طول السيرة النبوية. كلها افعال مبهرة بس. صلى الله على النبي محمد صلى الله عليه وسلم. ما الذي احسن كل شيء - 00:33:11

ولا غلطة ما فكش غلطة واحدة. فارجع البصر هل ترى من فتور؟ اقعد يا الملحد قاعدين يقلبوا ليل نهار مش عارف يطلع حاجة مش عارف سم ارجع البصر كرتان ينقلب اليك البصر خاسئا زي الكلب الخاسئ المطرود في الاخر. فيش ولا غلطة ولا مشكلة -

00:33:21

سبحان الله رب العرش العظيم. وقد احسن وقد قل هل تربصون بنا الا احدى الحسينين؟ يعني ايه الحسينين؟ يعني لو مت شهيد دي حسنى. طب ولو عشت منصور دوت؟ يعني كأن ربنا بيقول لك وانت مؤمن. كل مآلاتك - 00:33:41

لا يوجد فيها اي سوء. افرح في كل الاحتمالات انت كسبان كل حاجة. سواء انت كل حاجة هتاخدها. حاجة تفرح. حاجة لما ربنا يقول لك ما فيش مشاكل لن يصيبنا الا ما كتب الله لنا. مش - 00:34:01

ربنا بيفرحك بيقول لك وانت معي وانت من اوليائي. كل السكك سعادة. كل السكك فرحة. وانت مع الله سبحانه وتعالى عشان كده يقول لك حسن الخاتمة. يعني ايه حسن الخاتمة؟ الرسول عليه الصلاة والسلام يقول ان الله اذا احب عبدا ايه؟ غسل. هي دي حسن الخاتمة. يعني ايه غسل؟ العسل ده - 00:34:21

شهد صافي. يبقى انت الوقتي ما انتاش معسل ولا حاجة. انت دلوقتى مخلط. انت الوقتي شوية غسل على شوية خل واللاتين مضروبين بالخلاط. تحضر درس تسمع عن ربنا. وبعد كده تروح تقعد على السوشيال ميديا تتفرج على شوية متبرجات. وبعد كده

تنزل تصلي في الجامع. وبعد كده تقعد تتكلم - 00:34:41

مكالمة تقعد تغتاب في حد فانت دلوقتى مخلط. انما لما ربنا يريد بقى بك خير يعسلك في اخر فترة في حياتك تبقى فيه خل كله عسل يعني ايه؟ يخليك محسن في العمل الصالح صالحات ثم يقبضه عليه. 00:35:01 - تموت - وانت بقى. وانت في اعلى اداء لك زي اللاعب اللي بيعتزل وهو في قمة نجوميته كده. يفضل بقى ايه بيدأ هو مية في الاداء المسالي عند وقت الاعتزال بتاعه. ان الله اذا احب عبدا على الصلاة. ده اللي اسمه حسن الخاتمة. يعني ايه حسن؟ يعني خاتمة ما فيش فيها بقى معصية - 00:35:21

قبل ما تموت. ما فيش فيها منغص. ما فيش فيها حاجة تتكسر. يوم لقاء الله منها قبل ما تقول. يحلي لك اوي الحنة بتاعة موتك دي. الفترة بتاعة موتك دي في - 00:35:41

علاقة بينك وبينه سبحانه وتعالى. وقد احسن بي. احسان الله بك. ربنا احسن بك كتير اوي. وده نوع من انواع احسان الله احسان الله فيك. ربنا لولا ربنا انت ما كنتش تقدر تعيش اصلا من المشاكل اللي في جسمك وفي الحياة. احسان الله اليك. ده نوع تاني خالص من - 00:35:51

ربنا رفع الدعم عن رغيف العيش. لو ربنا عمله معك ما فيش بني ادم هياكل لقمة. انت فاكر ان رغيف في العيش بستين قرش ولا بسبعين قرش. ده انت غلبان. ده انت ده رغيف العيش ده ربنا سخر له تلتمية وستين جندي - 00:36:11 منهم الريح منهم السحب. منهم الشمس. رغيف عيش ايه اللي الكرة الارضية والله ولا خزائن امريكا. ولا خزائن مية وسبعين دولة اللي في العالم يقدرها يدفعوا لربنا تمن رغيف عيش واحد. لو ربنا رفع الدعم عن الاوتوكلاف الرباني - 00:36:31 اللي بيعقم الارض كل يوم اللي اسمه الشمس. تمشي الصبح كده وانت خارج من جلسة الضحى تبص كده على الشمس ومالية الدنيا بكم دي يا رب من غير فلوس لو ربنا ده رفع الدعم عن ملايين اطنان الفواكه اللي بتطلع كل يوم من الطين والتراب - 00:36:51 بكل اللوان والاشكال والاصناف والروايح والاطعمة. هتروح انت فين؟ لو ربنا رفع الدعم عن لقمة العيش بتاعتك. ده التلتمية وستين جندي اللي ربنا سخرهم في رغيف العيش اخر جندي فيهم هو اللي بخمسة وستين قرش. اخر جندي فيهم الخباز اللي بيخبزها. انما - 00:37:11

تلتمية تسعة وخمسين جندي التانيين دول والله ولا الدنيا ولا العالم ولا الكرة الارضية من ايام ادم ليوم القيامة تعرف تدفع تمن رغيف عيش واحد واحد بس واحسن كما احسن الله اليك. ربنا عمل لك كتير. ربنا غرقك. غرقك نعم - 00:37:31 احسان لما تعرف ربنا عيشك في فيضان احسان قد ايه؟ مش اول بقى ما يجي مشكلة ما هو لازم يحصل مشاكل. اومال ربنا ازكرك بنعمه ازاى؟ وهيزكرك باحسانه ازاى؟ ما هو البني ادم ما بيحسش غير لما بيلاقى حنة حرمان. بيدأ يفهم بقى الباقي. احسان الله اليك. واحسان الله - 00:37:51

سكك نوع من اعظم انواع احسان الى احسان الله معك. يعني ايه احسان ربنا معك؟ يعني ربنا مصاحبك في الحياة وانت بتطيع بيحسن لك وانت بيحسن لك. وانت بتقرب بيحسن لك وانت بتبعد بيحسن لك. حتى الكافر الكافر ربنا بيحسن له؟ اه. هو في الشريعة الاسلامية. مش فيه - 00:38:11

قوانين واحكام انت ملزم بها تجاه الكافر. يا رب ده كافر ما يولع. لا مش يولع. يا رب ده بيكفر بك وانت بتوصيني انا به لما عدت جنازة اليهود النبي وقف عليه الصلاة والسلام قالوا يا رسول الله انه يهودي. خلاص بقى يعني راح في مصيبة قال اوليست نفسا! لا احنا عندنا حاجة اسمها حقوق - 00:38:31

انسان في الاسلام من قبل بتوع حقوق الانسان بالف وربعميت سنة. اوليست نفسا! ان الزاني لو انت شفت واحد بيزني دورك في الشرع انك انت تستر عليه ده زان يا رب. ده بينتهك حرمتك يا رب. ده بيعمل الجريمة اللي في الاثار قالوا يهتز لها عرش الرحمن يا رب. استر عليه. يا رب ده - 00:38:51

عليك انت مش علي انا. استر عليه. الله يحسن حتى المرتكب الكبائر. الله يحسن في القرب من تقرب الي شبرا تقربت منه ذراعا. في القرب هيعمل لك احسن مما تتخيل. وفي البعد وانت معرض عن الله. صاحب الرغبة لما وقع في الزنا بعد سبعين سنة عبادة. ربنا ما

ورزقه الصلبة الصالحة في اخر يوم. رزقه اتناشر زاهد عابد. ورزقه الرغيف اللي لما تصدق به قبل ما يموت على طول. ربنا عسله حسن الخاتمة وقبضوا على عمل صالح يعوض به. الزنا اللي هو فيه. ربنا بيحسن اليك وانت طائع. قاتل المئة. ربنا - 00:39:31
ما قطعش احسانه عنه وتاب عليه وعمل له معجزة وغير له جغرافية الارض. الله هو المحسن صفة اسم من اعظم اسماء الله. اسم صعب احنا نتكلم فيه لان احنا غرقى في بحار احسان الله. بتتكلم في ايه؟ الاسم ده مش عايز كلام. الاسم ده عايز نشيل الغمامة عن عينينا. ببشوف - 00:39:51

ربنا غرقنا في بحار احسانه قد ايه؟ اللهم ربنا اتنا في الدنيا حسنة وفي الآخرة حسنة وقنا عذاب النار. اقول قولى هذا واستغفر الله الحمد لله وكفى. وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك يرجع الامر كله. لبيك يا - 00:40:11

ربنا وسعديك والخير كل الخير في يديك. والشر ليس اليك نحن بك واليك. تباركت وتعاليت نستغفرك ونتوب اليك. اللهم صل على الحبيب محمد وعلى ازواجه امهات المؤمنين وعلى الذرية وال بيتك انك حميد مجيد. ربنا عاملك بالاحسن. ربنا عاملك باحسن ما تستحق. انت - 00:40:30

ترمي بزر التفاح بيطلع لك تفاحية بيطلع لك شجرة فيها الف تفاحة. ربنا عاملك باحسن من معاملتك له. ومن اللي انت مع من تقرب الي شبرا تقربت منه شبرا لا ذراعا اتيته اهرول. ربنا عمل بيعمل لك احسن من اللي انت تعمله لنفسك - 00:40:50
هنلاقي المسل الاعلى هو انت لو عايز تطبخ وجه امهر طباخ في العالم هتعرف تطبخ زيه؟ هو انت لو عايز تسافر وجه امهر سائق في العالم؟ هتعرف تسوق زيه ربنا بيدير لك حياتك احسن ما انت بتذل نفسك. وببيختار لك احسن ما انت بتختار لنفسك. وبيعمل لك احسن من اللي انت هتعمله لنفسك - 00:41:10

ربنا سبحانه وتعالى بيختار لك الاحسن. عشان كده احسان ربنا بيتزايد. يعني يعني احسان ربنا لك وانت جنين شكله ايه جميل فيش اصلا ما تملكش شئ اصلا في الحياة. احسان ربنا مهما تخيلت احسان ربنا يكون زمان عندنا في واحنا في تالته في كلية طب كان عندنا في - 00:41:30

المتحف بتاع الباثولوجي علم الامراض كان فيه جار ازاز كده صندوق ازاز جواه فورمالين وحاطين فيه كيس كده الكيس شقيقه اقطع الكيس من جوة تلاقي سنتين وشوية شعر. منظر يخليك ترجع. تتقيأ اللي في بطنك على طول. سنتين داخلين في شوية شعر. كالقوتة شعر - 00:41:50

كده آآ حنة لحمه جنبهم آآ حاجات غريبة كده انت ما انتش حنة عضمة. انت ايه ده! ده بني ادم مضروب في الخلاط. يعني نسأل الله العفو والعافية ده ايه يا جماعة؟ ده الجنين بس الترتيب بتاع جيناته ده جنين. ترتيب جيناته ما مشاش بالطريقة اللي كل البشر ماشيين عليها - 00:42:10

فطلع المنزر ده. هو ربنا وانا المنزر ده ليه؟ ربنا بيقول لك اعرف احساني لك وانت جنين. طب وانت جنين احسن لك مد لك باب رحمة اسمه الحبل السري. خرجت بقى بتعيط برضيع بقى. فتح لك بابين رحمة. الاحسان تضاعف. وهديناه النجدين - 00:42:30
الام فتح لك بابين رحمة. طيب كبرت وعشت ومت فتح لك تمن ابواب رحمة. ابواب الجنة التمانية يعني احسان ربنا بيزيد انت وانت جنين اه انا حلو اهو ومبسوط اخرج بتبكي وانت بتتولد ليه؟ انا كنت مبسوط جوة. خرجت لقيت الوسع والنور لا انا مش عايز ارجع - 00:42:50

كذلك عند الموت انا مش عايز اموت. يا ابني الزين يستحبون الحياة الدنيا على الآخرة. هو انت فاكر ان دي احلى من دي! انت لو مت وربنا عاملك لسانه بازن الله نحسن الظن برنا. انت هتكره ان حد يقول لك رجعت الدنيا تاني ساعة واحدة. فربنا احسانه - 00:43:10
زايد عشان كده ايه رسالة اسم الله المحسن؟ رسالة اسم الله المحسن ان اللي جاي احسن. ابشر هو ايه اللي مدمر نفسية الناس كلها ان بالتأكيد اللي جاي مصيبة. ادخل على اي مريض كده تلاقيه ضارب بوز ومنكس راسه. وجواه ما لا يعلمه الا الله من خواطر -

سوء الظن والاحباط واليأس والالم ليه ؟ هو انت حالتك مش على قد كآبتك! لا ما هو اللي مروا مش حالته الصحية. امال ايه اللي مدمره؟ توقعاته ان الموضوع هيسوق. اه ده انا بالتأكيد الوقتي خلاص هتسوق وهينقلوني - [00:43:50](#)

المستشفى واتحط على تنفس صناعي وهي بالتأكيد هتسود. هي فتوقع ان اللي جاي يقول لك لو اختار لو علمتم الغيب لاخترتم الواقع. يا اخي منك لله. مين اللي قال لو علمتم الغيب لاخترت؟ مين اللي قال ان مش اللي جاي احسن؟ ربنا بيقول وللآخرة يعني اللي جاي خير لك من - [00:44:10](#)

الاولى يعني اللي فات. يعني شف كل اللي انا عملته لك من الاحسان ده اللي جاي احسن. فربنا بيبرمجك على ان اللي جاي احسن. انك تبقى مستبشر. انا مع المحسن قال لها امال غرقني احسان ليه؟ لو هو يريد بي شر ولا سوء غرقني احسان ليه؟ غرقني نعم من عنده ليه - [00:44:30](#)

تبقى حته مشكلة الناس النفسية دايم انه متوقع انها تسود بالتأكيد هيبقى فيه مصيبة. اول ما يضحك كده استغفر الله العزيم اعوز بالله من الشيطان الرجيم. فيه ايه يا ابني - [00:44:50](#)

اه اه الواحد كده لما بيفرح قلبه بيتقبض بيقول بالتأكيد فيه مصيبة جاية هو مين اللي قال لك كده؟ اللي فرحك الوقت هيفرحك الفرحة اللي اعظم منها بعد كده. يبقى - [00:45:00](#)

اللي جاي احسن مع الله سبحانه وتعالى احسان الله عليك. نوع من انواع من اعظم انواع احسان الله. يعني ايه احسان الله عليك؟ يعني احسان ربنا زي السحابة اللي فوق كده - [00:45:10](#)

اللهم بارك لهما وبارك عليهما. خل البركة عليهم زي سحابة قاعدة تمطر ليل نهار. يبقى يعني ايه الاحسان؟ الاحسان هو انهوار ثمار عطاءات الله عليك. انا كذلك نجزي المحسنين. اللي مشغول بانه يجيب احسن ما عنده عند ربنا. ربنا ما بيسيئوش ابدًا. ربنا ما بيسيئوش - [00:45:20](#)

ولا بيتخلى عنه ابدًا. الرسالة في النهاية احسن الزن بالله. خلي عندك حسن زن في الله. احسن مع الله هات احسن ما عندك مع الله بلاش ومنهم مقتصد بلاش نزام سطر وسطر مع ربنا. احسن الى الخلق. لان الله يحب المحسنين. مع الله ومع الخلق. الرسالة - [00:45:40](#)

اطلب عطاءات اسم الله المحسن دايمًا دايمًا خل على لسانك ليل نهار. وفي كل سجدة اللهم ربنا اتنا في الدنيا حسنة وفي الآخرة حسنة وقنا عذاب النار. يعني حسن لي مستوى معيشتي يا رب. اللهم ربنا اتنا في الدنيا حسنة وفي الآخرة حسنة وقنا عذاب النار - [00:46:00](#)

اللهم ربنا اتنا في الدنيا حسنة وفي الآخرة حسنة وقنا عذاب النار. اللهم ربنا اتنا في الدنيا حسنة وفي الآخرة حسنة وقنا عذاب النار. اللهم اغفر لنا ذنوبنا وخطايانا كلها - [00:46:20](#)

اللهم ان عشنا واجبرنا واهدنا لصالح الاعمال والاخلاق. اللهم انا نسألك العفو والعافية. اللهم اكفنا بحلالك عن حرامك واغننا بفضلك عمن سواك. اللهم مصرف القلوب صرف قلوبنا على طاعتك. اللهم انا نسألك الهدى - [00:46:40](#)

السداد والحكمة والرشاد والتوفيق والمدد. اللهم اجعل لنا ودا. اللهم ايدنا بروح منك. اللهم استعملنا ولا تستبدل بنا. ربنا هب لنا من ازواجنا وذرياتنا قرة اعين. واجعلنا للمتقين امامًا. اللهم اعنا - [00:47:00](#)

ذكرك وشكرك وحسن عبادتك. اللهم انا نسألك الفردوس الاعلى ونستجير بك من النار. اللهم زدنا لا تنقصنا واكرمنا ولا تهنا واعطنا ولا تحرمنا واثرنا ولا تؤثر علينا وارضنا وارض عنا - [00:47:20](#)

سبحانك اللهم وبحمدك اشهد ان لا اله الا انت استغفرك واتوب اليك - [00:47:40](#)